













ЭБИБЛИОТЕКА ВАШ ЭШКОЛЫ НАБУТ
СЫКЛЯКИРДЭ МАНУШЭНГЭ


А. С. ТАРАНОВ

НЭВО ГАВ

38
761

ЦЕНТРОИЗДАТ

Москва — 1930



Цыг:

2-26 А. С. ТАРАНОВ

НЭВО ГАВ

Г.П.Е.КА СБЯЗ. ЭКЗ.
Литр. 1930 г.
Акт № 4-629.

ЦЕНТРИЗДАТ
Москва * 1930

Инв. №

СБ

Главлит № А 64699

Заказ № 887.

Тираж 1000 экз.

Книжная ф-ка Центриздата Народов СССР. Москва,
Шлюзовая набережная, 10.

СО ДЫА ОКТЯБРЬСКО РЕВОЛЮЦЫА РОМЭНГЭ.

Сыр тагари, адякэ жэ и савэ лэс счурдынэ барвалэ рая дро февралё 1917 бэрш накамнэ тэкэрэн федыдыр джибэ замардэн тыкнэн манушэн.

Окэ октябрьско революцыа отлыя рандыр лэнгиро миштынэн и одолэ миштыпнаса прилыяпэ тэкэрэл фэдыдыр бутярититко джибэ. Бутяритко власть тходя ангил пэстэ тэ прилэс и ромэн дро бутяритко семья, собы тэкэрэс кхэтанэ социалистическо обшшество.

Акэ со кэрдя бутяритко власть ваш э ромэнгэ: Дрэ 20 февралё 1928 бэрш ВЦИКО и Совнаркомо РСФСР вылыджия постановлениё тэдэс ромэнгэ пхув, кон камэл тэ пириджал тэ дживэл прэ екх штэто. Адалэ постановлениёса дэлапэ сарэнгэ пхувьякирэнгирэ органэнгэ право тэдэн ромэнгэ пхув, кай ёй сы на залыны.

Ваш адава рома, кон камэл тэзалэлпэ пхувьяса, кай ёнэ дживэна, треби тэдэн заявлениё дро земельно отделе. Пхув дэлапэ сарэнгэ ромэнгэ, адякэ жэ сыр и гадженгэ.

СО ДЫЯ БУТЯРИТКО ВЛАСТЬ.

Ромэнгэ, кон пириджяла про екх штэто, прэ пхув,—дэнапэ льготы, савэ дэнапэ сарэ манушэнгэ, кон пириджяла прэ пхув.

Савэ же дэнапэ лэнгэ льготы?

Рома, савэ пиригыне прэ пхув, на плэскирна гавитко-хулаибнытко налого екхэ бэршэстыр жыко панчэ бэрш, семья сави джяла прэ нэво штэто пхураны пэскири пхув могискирла тэздэл дро аренда прэ дуй и трин бэрша.

Дуе бэршэстыр жыко трин бэрша налена дро хэладэ адасавэн нэвэн гавитконэ хулан. Домыкэнапэ льготы тэпириджяс пиро саструны дром кэ хулаибэн. Саро адава кэрлапэ би ловэнгино.

Инте дэнапэ ловэ тэ обзальджяспэ хулаибнаса сыр-то: тэ кэрэс кхэра, шталы, тэ закинэс грэн, гурувнен, гавитко инвентарё, семяны и адыкэ дурыдыр.

Адыкэ же выдэнапэ ромэнгэ, савэ пиригыне прэ нэви пхув и лынэпэ тэ обкэрэс ла кхэтанэ, ловэ (кредито) собы лэнгэ локхыдыр тэкэрэс мельница, кузница тэ обшутькирэс пхув, кай сы паны; блата, тэ обзальджяспэ лаче грэса и ваврэ скотоса (племяна производители) машины и адыкэ дурыдыр.

Какана бут ромэн пиригыне прэ пхув и залэнапэ гавитконэ хулаибнаса. Нэвэ рома переселенцы сджянапэ кхэтанэ тэобкэрэс пхув—ёнэ полынэ со кхэтано хулаибэн сы бут фэдыр хулаибна-

стыр пиро екх семья; кхэтано хулаибэн дэла бутыдыр кофо.

РОМА БЭШЭНА ПРЕ ПХУВ.

Пиро сарэ форья дрэ амаро Союзо ССР фэлдытка рома понабут пириджяна пре пхув и кэрна пэскирэ гава.

Дро Ленинградско область на гара лынэ пхув штар шэла семьи и интэ камэл Ленинградско областно исполкомо тэдэл панч шэл ромэнгирэ семенгэ пхув дрэ Бежаницко, Пушкинско, Порховско и Опочецко районо дрэ Псковско округо. Дрэ Молдавско республика дэш шэла пиригыне пре екх штэто и залынэпэ гавитконэ хулаибнаса. Бут ромэн бэшлэ дро Одэско, Первомайско, Мелитопольско, Запорожско и Харьковско округи Украины. Пашэ Харьков, Мариуполё, Армави́ро и Витебско рома кэрдэ колхозо и кхэтанэ кэрна буты.

Дро Белоруссия и Крымо исы романэ гава. Нэвэ рома, савэ обкэрна пхув, тэрдёна манушэнса сыр и гадже, лэн домыкэна дрэ саро, лэнгэ дынэ право сыр сарэнгэ бутяренгэ.

ПРЕ РОМАНО ХУТОРО „КРИКУНОВО“.

Вэснакиро дрэ 1925 бэрш авнэ рома шатрэнца пэ фэлда, сави сы забарыны чярьяса. Одой ни екх мануш николи накердя нисави буты. Адава

штэто сы дрэ Сальско округо (Северно-Кавказо). Авнэ адарик штар дэша романэ семья, барыдыр лэндэ исыс А. И. Крикуново. Расчюрдынэпэ шатрэнца надур станциятыр Двойно.

Одолэ рома закамнэ тэчюрдэн фэлда и тэ пириджян тэ дживэн прэ екх штэто. Сарэ дывэса



гынэ машкир ромэндэ барэ ракирибэна: сыр тэ бэ-шэс прэ пхув.

Обдыкхнэ фэлда, розмардэ пхув и сыгэс прилынэпэ палэ буты товэрэнца. Екх палэ екхэстэ про екх страна прэ гаса барьёна кхэра, а паш лэндэ кэрнапэ шталы и огороды.

Сарэ дывэса поджяна адарик ваврэ рома и кэрна пэскиро хулаибэ...

Адыкэ выбарья перво романо баро хуторо, саво кхарлапэ лавэса одолэс манушэс, кон сыкадя лэнгэ дром—„Крикуново“—и какана дрэ хуторо гинэланэ штар дэша кхэра. Дживэна нэвэ хулая шукир. Пэ штар дэша манушэн выдынэ штэто пхув 2000 десятины.

Фэлдытка рома заджяна пэ хуторо Крикуново, ёнэ задыкхэнапэ прэ лэнгиро нэво джиибэ прэ екх штэто пэскирэ хулаибнаса и лэнгэ кэрлапэ адасаво джибэн и камэлпэ тэ дживэс адыкэ же сыр нэвэ хулая дрэ хуторо. Сырбы амэнгэ тэкэрэс адасаво лачё джибэн—накамэлпэ амэнгэ фэлдытко джиибэ ракирна приежжя рома.

Бут ромэн явнэ кэ Крикуново дуратунэ штэтэндыр тэ подыкхэс прэ нэво романо джиибэн, сыр ёнэ дживэна прэ екх штэто и залэнапэ хулаибнаса. Скэдэнапэ прэ хуторо романэ шатры сарэ концэндыр СССР, пролыджяна пэскирэ романэ собрании и бутыдыр сарэстыр ракирна ваш адава: „Амэ камас пхув“.

Псирна дрэ разна форья ходоки-рома и мангэна земельно отделе, собы лэнгэ тэ отмыкэн пхув.

Ваш фэлдытконэ ромэнгэ, савэ интэ наобзалыджинэпэ пэскирэса хулаибнаса, хуторо Крикуново дэла пэскиро штэто. Бэштэ рома дрэ круго, пашэ шатра, хачёла костро и сарэ ёнэ ракирна, сыр ёнэ залэнапэ пхувьяса и залыджяна пэскиро хулаибэн. Бут шунэса лэндыр нэвэ ваш ромэнгэ лава: тракторо, плуго и адыкэ дурыдыр.

СО ПХЭНДЯ ДЭШЭПАНЧТО ПАРТИЙНО С'ЕЗДО ВАШ ЧЁРОРЭ ГАВИТКОНЭ МАНУШЭНГЭ.

Дрэ пхарипэ приавьяпэ тэподжяс кэ социалистическо хулаибэ бутяренгэ и гавитконэ манушэнгэ дрэ амари страна.

Фабрики, заводы исыс бутыр пашэстыр розмардэ, машины роспахгирдэ, гавитко хулаибэ и ангил тагарискиро марибэ адякэ-жэ и ангил гражданско марибэ сыс вымардо зорьятыр. Нэ В. И. Ленино пэскирьяса коммунистическонэ партияса шаго пало шаго газдыа саро хулаибэн и дрэ форя и дрэ гава.

Бутяритка мануша дрэ форя кэрна социалистическо хулаибэ, влуджяна нэви и учи техника, обзальджянапэ машинэнса, саро электрифицируют. Электрофикацияса и буты кэрлапэ логхыдыр, продукты ачена адалэстыр танедыр и бутыдыр.

Дэшэпанчто коммунистическо партиякиро с'ездэ пхэндя со сы лачипэ дрэ гава и со сыс кэрдо на шукир, со треби тэ кэрэс, собы тэ газдэс гавитко хулаибэн.

Партия на бистрэла, со пхэндя товаришшэ Ленино. Т. Ленино пхэндя пэскирьякэ коммунистическонэ партиякэ и сарэ бутяренгэ и гавитконэ манушэнгэ, со кооперацыя исы екх чячюно дром кэ социалистическо хулаибэ, только кооперацияса кэрэса нэво гав, только кхэтанэ коллективнонэса хулаибнаса газдэса гавитко хулаибэн кэ лачипэн.

Пиро адава дром и гыя амари коммунистическо партия. Какана дрэ гава гинэлапэ дэшэпанч миллионы манушэн, савэ вгынэ дрэ хабнытко кооперация и дэшэпанч миллионы манушэн вгынэ членэнса дрэ гавитко хулаибнытко кооперация. Сарэ ёнэ сы чёrorэ мануша.

Гавитка хулаибэна газдынэпэ учедыр,—кана гадже бутыдыр обсеменяют пэскири пхув, влыва жана культурна чярья.

Партия и бутяритко власть ракирдя, со треби тэдомарэспэ тэ газдэс гавитко хулаибэн.

Дэшэбэршытко Цэнтрально Исполнительно Комитето Союзэн ССР манифестоса бут счюрдыя налоги чёrorэ гавитконэ хулаибэндыв, адая скидка 35 проценты сы кэрды дрэ сари амари стропа. Дэшэ панчто партиякиро с'эздо пхэндя, со треби тэгаздэс буты дрэ гав, сыр-то тэнадомыкэс барвалэн манушэн, собы ёнэ на могискирдэ тэлэн дро пэскирэ васта чёrorэн манушэн, тэвыдэс чячунэ льготы чёrorэ хулангэ, тэвыдэс гавитко-хулаибнытка машыны, кредито, семена и адыкэ дурыдыр. Инте 15 с'эздо ВКП(б) пхэндя дро пэскиро постановлениё тенадомыкэс, собы дрэ гава барвалэ мануша барьинэ дрэ зор, адыкэ же пролыджялапэ обязательно сыклярибэн. Бутыдыр тэкэрэс нэвэ школы, клубы, тэ зорьякирэс культурно буты ваш дучибэнгирэнгэ сыр: карахая, юды, рома и адыкэ дурыдыр. Партия бут кэрла лачипэ ваш замардэ дучибэнгирэ манушэнгэ.

СО ДЭЛА ФОРО ГАВЭСКЭ И ГАВ ФОРОСКЭ.

Буляритко власть камэл, собы гав тэ явэл кхэ-тано (коллективно). Дрэ кхэтано хулаибэн сы баро кофо, коли гава лэна бутыдыр тэ дэн фороस्कэ, то и дрэ форо бутыдыр откэрнапэ фабрики, заводы, а адалэстыр союзо лэла фэдыдыр и зоралыдыр,

Форитко промышленность на дживэла би гавэскиро.

Гав—адава сы баро тарго. Амарэ заводы, фабрики мэкэна пэскирэ товары; фабрики дэна гавэскэ идя, похтан, пхар, дыкхлэ, гавитко хулаиб-нытко инвентарё и адыкэ дурыдыр.

Гава бут лэна саро одова дро форо, со накэрна дро гав. Гавэскэ треби форитко промышленность; би адалэскиро ёй на обджялапэ. Гав же дэла фороस्कэ саро адава, соса ёв дживэла: лёно, конопля, цыпа и адыкэ дурыдыр. Саро адава пирикэрлапэ прэ фабрика. Сыр барьёла амари промышленность, лакэ треби бутыдыр бутярен; фабрики заводы дэла буты манушэнгэ, кон камэл тэ-кэрэл буты.

Треби собы машкир промышленностятэ и гавитконэ хулаибэн тэ явэл смычка; би адалэскиро на обджясапэ. Фабрики заводы бангэ тэдэн дрэ гав саро адава, со треби гавэнгэ и пиро набари тимин, собы тэ явэл пиро гав миштыпэ. А гав гужло тэдэл форо-ро-скэ сырью и маро.—адыкэ же пиро набари тимина. Коли бутяренэ лэна на куч маро, то дэна гавэ-скэ пэскирэ изделия пиро набари тимин, коли

адякэ на лэна тэкэрэн то амаро саро хулаибэн на
лэла тэ барьёл и тэзакэдэл дрэ пэстэ зор.

Бут манушэн на латхэна пэскэ буты и лэна
тэ бэшэн кхэрэ, дро гава. Гавитко мануш на ки-
нэла пиро набаритимин пэскэ товары, а форитконэ
бутярискэ приявэла тэ кинэл куч маро.

ГАВИТКА БУТЯРИ, КЭРЭН КОФИТКОНЭСА ПЭСКИРО ХУЛАИБЭ.

Октябрьско революция сари пхув, сави сые
дрэ васта барвалэндэ, пиридия гавитконэ бутярен-
гэ, нэ адава ешшэ насыс саро. Бутяритко власть
сыклякирдя бутярен, сыр тэкэрэс пэскиро хулаибэ
кофитконэса. Ёй сыклякирдя тэ обкэрэс шукир
пэскири пхув тэ залыджян культурна семена, пше-
ница, лёно хабнаскирэ чяръя и техническа чяръя
и пириджяна прэ баро фэлдытко хулаибэн. Бут
гава чюрдэна тринэ фэлдытко хулаибэн. Залыд-
жяна и лаче грэн, гурувнен. Мануша сджянапэ
кхэтэнэ тэкэрэс пхув, залыджяна тракторы, за-
хачкирна электрическа лампы. Дро гав бут гавитка
манушэн улынэ саро адава миштыпэн и родэна
со дэла бут кофо.

СОСА СЫ НАЛАЧЁ ТРИНЭ ФЭЛДЫТКО-ХУЛАИБЭ.

Ромалэ! мэ, Карпо Барановско, радынавалэ пал
тумэндэ, со тумэ чюрдэна фэлдытко джи-
бэн.

Мэ панч бэрш сыр залавапэ гавитконэ хулаиб-наса и кана наджинава одоя романы нужда, дрэ сави мэ джиндём панч бэрш палэ.

Мэ камам тэроспхэнав тумэнгэ, сыр амарэ трин дэша сёмьи бэшлэ пэ пхув. Амэ дро пэрво жэ бэрш розлыям сари пхув широ сёмьи, нэ и лыя кажно амэндыр тэобкэрэл пхув, адыкэ сыр кэрдэ пхурэ мануша: залыджиям тринэ фэлдытко хулаибэн и хасиям. Пхув бияндя адыкэ набут, со наухтылдя маро жыко вэсна, а грая, гурувня бокхалэ сари зима. Акэ тринэ фэлдытконэ хулаибнастыр лыям гекторостыр 675 килограмм гив, 750 килограмм джэв и пхувитко 6000 клг. Авья сыр-то кэ амэ смоленско агрономо, подыхья пэ амаро хулаибэн и ракирла амэнгэ „тумэ хасёна бокхалэ трэхполкаса“.

Дрэ тринэ фэлдытко хулаибэн напшты тэзалыджяс лаче чярья. Адыкэ назалыджяна бут хабэ ни ваш пэскэ и ни грэнгэ, ни гурувненгэ; трэхполкаса дро хулаибэн на авэла кофо. Дрэ адасаво хулаибэн бут на залыджяса грэн, гурувнен и вавир ското, а адатхыр дрэ хулаибэ набут авэла навозо и пхув дэла набут маро.

Какана амэндэ дрэ хулаибэн барэ фэлды (многополье). Амэ скэдаса—гэкторостыр бутыдыр маро, гив 1225 килограмм, джэв 1200 килограмм, пхувитка 8400 килограмм гудло кхас 3750 килограмм и ваврэ хабэна 45000 килограмм Кана рипираса смоленсконэс агрономос и лэскирэ лава, какана амэ полыям со дэла кофо бут.

СО ДЭЛА БАРО ФЭЛДЫТКО ХУЛАИБЭН.

Дрэ барэ фэлдытко хулаибэа пхув розмарлапэ на пэ трин, а прэ бут фэлды и кажно растениё попэрлапэ прэ екх штэто на сыго.



Дрэ барэ фэлдытка хулаибэна, кай кажно бэрш барьёна нэвэ марэ, пхув на выджяла зорьятыр. Коли прэ екх штэто кажно бэрш барьякирна са екх марэ, пхув адалэстыр кхинёла и на дэла лаче марэ. Прэ тринэфэлдытко хулаибэ бут хасёла

пхув, сави пашлы сы тэло паро—ваврэс сы дрэ барэ фэлдытка хулаибэна: одой на хасёла пхув тэло паро.

Хабнытка чярэя ваш грэнгэ, гурувнэнгэ дэна баро кофо дро хулаибэ. Кай исы хабэ, одой за-
лыджяна бут грэн, гурувнен, балычен, бакрэн. Барьёна заводы, фабрики. Фороскэ треби бут мас, тхуд, ксил и адыкэ дурыдыр. Адалэса амэ ласа кофитко тэ таргискирас заграницаса. Прэ барэ фэлдытко хулаибэна шукир барьёла гудло кхас-
прэ екх штэто дуй бэрша и биянэла дро бэрш 3000 килограмм (200 пудов) гэкторостыр, пху-
витка свёкла, морковь, брюква, турнэпс биянэла бутыдыр 60000 килограмм гекторостыр. Корнёпло-
ды зимакиро сы ваш скотоскэ, сыр клеверо клевёро же пэса тхулякырла фэлда.

Барэ фэлдытка хулаибэна газдэна урожайность и дэна бутыр хабэ вашэ гурувнэнгэ и грэнгэ.

Дрэ барэ фэлдытка хулаибэна пхув, сыр бы тыкнэдыр ачелапэ тэло кажно маро, нэ палэ адава урожаё ачела одой барыдыр и пирдал адава баро фэлдытко хулаибэн (многопольё) дэла баро кофо.

Шучибэн: Палсо гавитка мануша камэн тэачывэн тринэ фэлдытко хулаибэн и тэ пи-
риджан кэ бутэ фэлдытко хулаибэн?

МАРПЭ ЛЫНАСКИРО ШУКИПНАСА-НА ЯВЭСА БОКХАЛО.

Амари гавитко буты прэ пхув, прэ юго и юго-
востоко бут хасёла засухатыр, нэ лылварэ мануша

догалынэ, со дро шуко бэрш джяла прэ пхув са-
таки влага и со ла можно тэзракхэс. Акэ треби
тэзадэспэ тэ раххэс влага, нэ сыр адава тэ кэрэс?
Бида амари сы дрэ одова, со чястэс обрышынд
наджяла, коли лэс треби ваш э маро, собы тэ
барьёл лэскэ.

Треби тэджинэс гавитко манушэнгэ, сыр тэ
зракхэс брышындытко и вэснакири паны дро пхув
осенякиро, прэ зыма и вэсна прэ лынай, и ваш
адава треби тэджинэс акэ со:

1. Сыр явэла вэсна, кэр апрельско и майско
паро, ёв зракхэла дро пхув паны (влага) ваш
маро.

2. Счин пхув прэ „зябь“ и „лушшениё“ и ёй
згаравэла паны — влага ваш ярова марэ.

3. Барэ фэлдытко хулаибэн шукир раххэла
пхув засухатыр.

Треби тэкэрэс раннё паро прэ пхув, ёй раххэла
влага и пирдал адава прэ тыри фэлда на лэна
тэ шутён марэ. Треби тэчюрдэс пхураны буты,
саро со барьёла прэ пхув, дэла пхувьятыр соки,
собы тэ зракхэс чячюнэс хулаибэ, треби тэ барь-
якирэс марэ екхэ бэршытка и бутбэршытка дрэ
промэжки, треби тэпарувэс марэ чярьенца: лю-
цэрна, житняко, костер, судажно чяр, свёкла,
кукуруза, подсолнухо, просо, горохо и фасолё.

Саро адава дэла бут сокии пирдал барэ пэс-
кирэ корни ёнэ логхэс пирилыджяна засуха. Адава
маро дэла гавитконэ манушэнгэ возможность

тэ залыджас бут грэн, гурувнен, балычен, бакрэн и адыкэ дурыдыр.

Акэ сббы тэ наавэл засуха, треби тэчюрдэс тринэ фэлдытко хулаибэн, тэшириджас прэ баро фэлдытко хулаибэн, дрэ саво шукир и бут барья-кирлапэ маро. Шукир роспхынэла агрономо, кай и сыр тэдоросэс разна сорты марунэ семяны.

Акэ со дэла лынаскиро и вэснакиро паро екхестыр гекторостыр:

Саво паро	Маро	Пхус
Июньско паро	(67 пуд.)	(188 пуд.)
Майско "	(84 ")	(122 ")
Апрельско "	(93 ")	(294 ")

СО ПХЭНДЯ АГРОНОМО, СЫР ФЭДЫДЫР ТЭОБКЭ-РЭС ПХУВ.

Лыям амэ пхув лачи, нэ дрэ екх штэто исыс пхувналачи глинисто, зачюрдыны барэнса—исыс на сари сыр екх; вычюрдыам амэ адалэ участкостыр э бара, счиндыам бэрги, зачюрдыам ямы, зачюрдыам саро, сыр ракирлапэ кэрдям саро учястко сыр екх штэто.

Гыя кэ агрономо амаро ром тэ угалёл, сыр амэнгэ шукир тэ обкэрэс адава штэто, сыр фэдыдыр тэ обкэрэс амари пхув.

— Нэ дыкхава, со тумэ рома шэрэса—пхэндя амарэскэ ромэскэ агрономо, джинэн конэстэ со-вето тэпучес, на сыр ваврэ, на джинэн со тэкэрэс.

Нэ дья агрономо совето, тэгаздэс пхув раннё осе-
няса и вэснакиро ангил тэобкэдэс навозоса и золаса.

Пхув прэ адава учястко какана лачи и лачё
урожаё.

А коли на пучясас-бы амэ агрономос, ничи на-
выджялас.

Екх моло кэ амаро коллективно хулаибэ авья
агрономо, ёв ракирдя амэнса сарэнса, сыр трэби
удобрять пхув навозоса, ракирдя агрономо, со исы
накуч удобрений и ёв доступно сарэнгэ, дрэ на-
возо исы саро одова со трэби ваш марэ: азото,
фосфоро, калий и ваврэ химическа элементы.

Нэ на саро навозо лачё, собы тэ авэл лачё
навозо, треби тэджинэс чячюнэс тэ сгаравэс лэс
адякэ, собы питательна вешшества на хаскирдэ
пэскирэ соки. Нашукир зракхно навозо напавэла
паш пэскири лачи зор, ваш адава трэби тэскдэс
лэс и тэ ракхэс лэс жыко адава, коли вылыджяна
дрэ фэлдо.

Пэ кучя тэкэрэс навесо, собы брышынд и оив
на хасикирдя навозо. Навозно блата адякэ-же
трэби тэгаравэс дрэ яма паше навозо.

Сы искусствевна минеральна удобрения: фос-
форо, суперо, силитра и бут ваврэ.

Пучибэн: Пирдал савэ удобрения тумэн-
дэ учедыр урожайность?

СОСТЫР ТРЕБИ ТЭ РОСКЭДЭС СЕМЯНЫ.

Вашадава, собы тэ злэс лаче урожаи, треби тэ от-
кэдэс семяны одолэ, савэ ачнэпэ лаче урожаендыр.

Баврэ гадже вапш эпосево откэдэна налаче и мэлалэ семяны, а барэ и лаче мэкэна прэ яржо и хабэ.

Адасавэ семянэндыр урожаё авэла на лачё, ёв дэла гекторостыр тыкныдыр 600 клгр.

Коли амэ пиригыям прэ гавитко хулаибэн, то адай-же дорэстям лаче сортава семяны.

Доросэнас и жэко амэ кой—кон сортава зёрна, нэ лэндэ ничи на выджялас. Пирдал 3—4 бэрш сортово гив кэрлапэ на лачеса. Пало лэстэ треби уходо и кажно посево сортировать.

Пирдал адава амэ киндям сортировка и сортонэ зёрнэндыр ачнэ фэдыр урожай. Прэ шукар обкэрды пхув амэ зласа екхэ гекторостыр 250 пуд.

Пучибэн: Савэ семяны тумэ лэна, сортирована или проста?

Сынэ-ли тумэндэ сортировка?

СЕЯЛКА.

Пучела ром мирэ дадэстэ:

— Палсо ту вастэса расчюрдэса семяны, трэби тэкэрэс адава сеялкаса, а то адыкэ бут семяны хасёна дро пхув. Грэн дэ андрэ дро машина, дрэ япшико чивэса семяны и гыян про грэстэ дрэ фэлды, дро ящико сы трубка и пиро адая трубка выпэрла прэ пхув семяны рядэнца и сарэ семяны попэрна дро вспахано пхув.

Ту кэр адыкэ, сыр мэ тукуэ ракирава—лэ адая расчюрды (сеялка) дрэ агрономическо штэто.

— Нэ мэк, адыкэ и кэрава—пхэндя о дад.

Гыя дро фэлда сеялкаса и буты гыя, пхув ама-ри сыс вспахано на шукар, пхувьякирэ комки на сыс розмардэ, семяны пасинэ на дрэ пхув, а упрэ, нэ и выбария гив...

Манушэндэ гив сыр гив, а дадэстэ ни чи на мол—на бари и на буглы; состыр же выгыя на шу-кир, думиндя о дад?

— А мануша ракирна:

Треби шукаринько тэобкэрэс пхув саструнэ боронаса, собы прэ пхув ни екх бар тэ наывэл

Нэ ракирэла дад,—дэ мэ интэ по шунава ма-нушэн. Роскэрдём пхув саструнэ боронаса, сыр кхурми кэрдяпэ нэ и маро расчюрдыём, выгыя маро лачё, бут и гэнсто саро и сыр екх баро.

Акана о дад адыкэ кэрла: обзаладгияпэ сеял-каса, какана сеялкаса джяла семяны, прэ екх ге-кторо 90—105 килограмм (6—7 п.), а вастэнца 150—180 килограмм (10—12 пудов).

БУТЫ ПРЕ ФЭЛДА.

I

Коли прэ фэлда выбария гив, фэлда ачъя сувнакуняса.

Лоло кхам, манушэнгири годла скэдыяпэ дро ёкх штэто.

Ададивэс коммунатыр «Зоря» гадже выгынэ прэ фэлда, сыр прэ свэнко: ёнэ перво моло мэк-нэ сноповязалка.

Сыгэс кринцинсалынэ э грабли машинакирэ,
сыр мельницакиро крыло.

Сноповязалка цсирдя пиро фэлда; дрэ латэ
сыс дынэ штар грая.

Учес прэ сноповязалка дро лоло гад бэстя
шэлэ бэршэнгиро пхуро, ёв чюпняса дрэ васта
дыя годла прэ грэндэ, шукир чиндя и бут чиндя
рядэнца гив.

Сноповязалка чурдыя упрэ гив, а одотхыр выд-
жяна пирипхандлэ о пхуса (снопы).

II

БУТЫ ХАЧКИРДЯ.

Савэ газдынэ о пхус, ваврэ стховэнас лэн,
трита пирилыджянас про вавир фэлдытко концо,
кай тэрдэ нэви молотилка, сави вымакхлы дро
лоло цвэто.

Стукиндя и раздыапэ, сыр кудуни, молотилка,
о пхус урняндя дро яшшики.

Мурша сыго чидэ зёрно дрэ гонэ, джювля
засывэнас гонэ, а чявэ пирилыджинэ саро маро
дрэ кхэтаны пиралы. Адыкэ гыа буты дрэ коммуна
„Зоря“.

МАРИБЭ МАРУНЭ ВРАГЭНЦА.

Лынаскиро амэндэ ракирдэ ваш э марибэ вре-
дителенса: кирмэнса и ваврэ налаче пушумэнца,
савэ хасякирна бут маро.

Акэ дыкхэнте лэн прэ екх десятина дживэла панч дэша, кажно хала пало бэрш дэшо-шов килограммы (екх пудо) маро и кхас.

Пало 1924 бэрш кирмэ сханэ сарэ трин шэла десятины маро.

Бут биды яндлэ гавитконэ гадженгэ головня, маруны ржавчина и спорня.

Прэ пхувитка, эшах чястэс выдзяла паны, ёй хасякирла ла, коли тэ подгинэс сарэ адалэ биды, савэ кэрна вредители и разна марунэ насвалэпына, то выдзяла со панчто чясть урожаёскиро авэла хасякирдо. Прэ кажно гавитко хулаибэн пэрла убытко вредителендыр пашыл трианда састэ дрэ бэрш.

Сыр тэлыджяс марибэ? адалэса екхэскэ тэ борисос на ухтыла зор.

Трэби сарэ гавэса кхэтанэ тэлыджяс марибэ лэнса.

Акакана годявэр мануша кэрна кхэтанэ — коллективно марибэ сарэнса вредителенса.

Трэби адыкэ тэкэрэс, собы маро и ваврэ чярэя сыс зоралэ. Насвало маро сыго поддэлапэ кирмэнгэ и насыго лэс высастякирэса, зоралэса растений авэла тогдэ, коли семяны ласа отсортирована сортировкаса, пашыл адалэса трэби, собы пхув сыс шукар роскэдыны. Адыкэ же трэби, собы посево сыс кэрдо дро пэскиро времё, адыкэ жэ трэби тэ раххэс, собы марунэ чярэя насыс забарымэ дылынэ чярэенца.

Дылынэ чярэя адыкэ же лэна пхувьятыр ласкиро тхулыпэ и розлыджяна кирмэн и пушумэн.

ТЭВЫШУТНИРЭС БОЛОТЫ СЫ КХЭТАНЫ БУТЫ.

Амэндэ дро амаро баро союзо ССР бут адасавэ пхувья, савэ сы зачюрдынэ и савэ надэнанисаво кофо

Прэ зачюрдынэ пхувья тэрдьы блата и сы ёй забарьины вэшэнца, налаче чярьенца со на трэби ваш хулаибэ.

Ваврэ лаче гавитка хулаибэна сыкадэ, со болото могискирла тэдэл лачё кофо.

Сыр-же адава тэкэрэс? Дро перво моло треби тэвышуткирэс э болоты, чячюно тэвэшуткирэс болоты трэби тэпучес сыклярибнаскирэн манушэн, савэ кхарнапэ гидротехникэнса, ёнэ джинэн сыр тэчинэс пхув и дро сави страна тэ вычингирэс-адава со-барьёла прэ пхув-би кофоскиро.

Тэобкэрэс пхув треби осенякиро, собы вэснакиро тэросчюрдэс джёв и ваврэ марунэ чярья, савэ треби дро хулаибэ, дро екх бэрш дёрно на хасёла, прэ вавир бэрш инте лэс тэрискирэс саструнэ боронаса и тэ росчивэс джёв, гудло кхас (клеверо), прэ трито бэрш пхув дэла бут маро и лачё, саво камэс, гив, джёв и сарэ чярья.

Адыкэ проджыла 5—6—12 бэрша и пхув, кай сыс болото-явэла лачи и бут дэла кофо.

Нэ саро адава тэкэрэс екхэскэ пхаро и треби тэкэрэс кхэтанэ а адава сы логкхо.

ТХУДЫНЭ ГУРУВНЯ.

Бут ракирна ваш э лаче и налаче гурувненгэ. Савэн жэ треби тэ кхарэс лаченса и савэн

Налаченса гурувненса? Адасавэн, савэ на нашавэна пэскири масть дрэ родо. Савьятэ и дай и чай и внучка сдэнапэ прэ екхатэ.

Налаче гурувня (напородиста) на эдэна уже екх прэ екхатэ. Ваш адава, собы таявэн лаче гурувня, грая, балыче, бакря, треби собы хулая подкэдынэ лаче породистонэн производителен. Адыкэ тэ кэрэс порода лачедыр сы дрэ васта манушэстэ.

Исы ли дро амаро СССР лаче породы гурувнэн? и треби ли тэзалэспэ розлыджиибнаса и треби ли лачё ското. Амэндэ, дро амаро Союзо ССР исы лаче гурувня, нэ ваш адава набут конджиндя. Лаче гурувня ярославска, холмогорска, дрэван масунэ и бутярнэ гурувня украинска, калмыцка, киргизска и бут дэна тхуд долэ немецка гурувня.

ЛАТХЬЁМ ЧЯЧЮНО ДРОМ.

Дро амаро гав, амарэ хулая никон на пошарлапэ, со амарэ гурувня дэна кофо пэскирэса тхудэса.

Акэ сыс екхэ амарэ гаджестэ Ф. Ф. Деменьтевонэстэ и ёв камья тэ бикнэл гурувня прэ тарго, да взрипирдя со пхэндя лэскэ сыр-то агрономо:— со тэкэрэс, собы гурувны дья лэскэ кофо, нэ и кэрдя ёв, расчюрдыя про пхув гудло кхас и корнеплоды ваш чяраибэн гурувня. Прогыя набут бэршайёв наугалыя пэскирья гурувня, тхулы ачья и бут лыя тэдэл тхуд.

Удыкхья Деменьтьево со исы кофо и со чячё пхэндя агрономо. Прэ вавир бэрш ёв скэдыя хабэ ваш гурувнякэ 12000 килограмм корнеплоды; гурувны дья баро кофо Деменьтьевонэскэ; ёв хая сари зыма тхуд.

Какана ёв лыя тэкэрэл бутыдыр хабэ ваш гурувнякэ.

Сыр ушунэла Деменьтьево кон гурувня кошэла; „чюрдэ,—ракирла, ни палсо кошэсапэ, мэ, пшала, джинава кон ада банго“—и роспхэнэла, сыр ёв кэрдя пэскирьяса гурувняса, собы гурувны лыя тэ дэл бутыдыр тхуд.

ХАВСКО ТХУДЫНЫ АРТЕЛЬ.

Волостно Исполкомо кэрдя адыкэ, кон и саво гав залыдыжла бутэ-фэлдытко хулаибэн, одолэскэ выдэлапэ, сыр культурнонэ хулаибнаскэ, ловэ (премия).

Гадже сарэ гавэса пиригыне прэ бутэ фэлдытко хулаибэн, киндлэ инвентарё ваш тхудыно заводу скэдынэпэ кхэтанэ (коллективно) тэкэрэс буты, зачиндлэпэ шов дэша манушэн.

Сыр на сыс пхаро лэнгэ, нэ ёнэ пэскири артель на чюрдыне, тхуд и ксил бикнэнас дро кооперативно союзо дро форо, какана сарэ гава лыне тэ бикнэн лэнгэ тхуд.

Тхуд лачё, а коли лэндэ инте на сыс артель то гадженгэ приджялас тэ псирэс пало панч вэрсты тэлыджас дро форо, а дромэса тхуд портисалыя.

Какана сарэ гадже змарна ксил дэшэ дуй дэ-
шэ панч пудо дро чён. Кана сарэ гадже зачинд-
лэшэ дро лэнгири артель.

Какана лэнгири кофо пало екх бэрпн выбария
дрэ 5.000 састэ. Ёнэ залыджинэ лачен гурувнен,
какана ёнэ залыджинэ чячюно лачё хабэ ваш гу-
рувнентэ и надарна, со чяравэна гурувнен куче
кхасэса. Ракирна, со гурувня пало саро адава
заплэскирна барэ кофоса.

КООПЕРАЦИЯ ФЭДЫДЫР КЭРЛА ДЖИИБЭН.

Дрэ амаро Союзо ССР кооперация на адаса-
ви, сыр дро ваврэ страны. Адава сы одолэстыр, со
амари страна исы дро васта бутярэндэ кхэтанэ
гавитконэ манушэнца. Пирдал адава и коопе-
рация амэндэ сы на адасави.

Дро ваврэ страны, кай дживэна рая — заводы,
фабрики сы дро васта капиталистэндэ.

Машкир рандэ исы кофари, ёнэ скинэна гад-
жендэ пало набари тимин товаро и бикнэна рангэ, а
о рай гадженгэ бикнэла кучедыр. Прэ адава кофо
и дживэна рая.

Дрэ амари страна сы кэрдо ваврэс. Амэндэ
саро сы дро васта бутярэндэ и гавитконэ ма-
нушэндэ. Заводы, фабрики исы дрэ васта госу-
дарствостэ. Советско власть тасавэла сарэн
кофарен, кон залэлапэ таргоса и тарго лэла дрэ
пэскирэ васта.

Акэ кэ адава и джяла кооперация.

Кооперация дыкхэла со лакэ сарэ джяна тэпомогискирэн, адыкэ помогискирла и амаро государство собы тэ газдэс кэ лачипэн джибэн бутярен и гавитконэ манушэн.

Бутяритко власть камэл тэкэрэл и кэрла соцыалистическо строё:

Со сы пэстыр соцыализмо? Дрэ соцыализмо кэрлапэ адыкэ джибэ, со на явэла барвалэн банкирэн, капиталистэн, помещшикэн, кулакэн, савэ дживэна кофоса бутярендыр и гавитконэ манушэндыр.

Соцыализмо отмэкэла джювлен пхарьятыр бутятыр, сыклякирла ла кэ саро лачипэ.—Дро соцыализмо сарэ авэна бутярнэ.

В. И. Ленино пхэндя, со кооперация и электрификация исы дром кэ соцыализмо. Собы тэ кэрэс адая задача трэби тэкэрэс кхэтано (коллективно) хулаибэ.

СО ДЭЛА КООПЕРАЦИЯ.

Пало саво бы амэ наласас бы рэндо екхэскэ тэкэрэс сы пхарыдыр, а кхатанэ тэкэрэс локхэдыр.

Кхэтанэ кооперацияса романывэ гавитка хулая фэдыдыр кэрна пэскиро хулаибэ и пэскиро джибэ.

Гавитко-хулаибнаскири кооперация помогискирла гавитконэ-хуласкэ тэскэдэс кхэтаны зор ваш адава, собы тэобкэрэс пхув, тэдоросэс танедыр хулаибнаскирэ машины и тэдэс дро коо-

перация маро, катыр ласа танедыр разна товары, савэ треби дрэ семья.

Хабнаскири кооперация витасавэла чястна тарги дро форо и гав. Чястна тарги бик-нэна куч, кон лэндэ кинэла. И вашэ адава кооперация борисолапэ, соб тэ умарэс чястни-кос.

Кредитно ловэнгири кооперация дэла одолэ манушэнгэ, савэнгэ треби тэкинэс со нибудь ваш хулаибэ, ловэ дрэ длуго. Хасия грай, гурувны и адыкэ дурыдыр лэскэ на треби тэджас прэ уб-лады гавитконэ барвалэскэ гаджескэ, саво и дэла ловэ лэскэ, то ёв лэла лэстыр баро кофо. Адасавэ мануша джяна дрэ кредитно кооперация, кай дэна лэскэ ловэ.

СО ПХЭНДЯ ГАВИТКО ГАДЖЁ ВАШ НООПЕРАЦИЯ.

Чёрорэ Мануша! Какана бут молы шундём мэ лав „кооперация“. Бут кэрла бутяритко власть собы тэ газдэс кооперация; сари зор дрэ амэндэ кокорэндэ. Ласа тэкэрас кооперация, адалэса кэ-раса пэскири бахт.

Акэ ласа сыгыдыр тэкэрас кооперация, бутя-ритко власть помогискирла амэнгэ. Собы тэкэрэс гавитко кооперация трэби тэ сджяспэ на тыкныдыр 10-20 семьи и 50-100 десятины прэ адасавэ хулаи-бэна тэ барьякирэс чяче чярэя.

Дро адасаво хулаибэн амэ ласа тэ злас уро-жай марэн и хабнытка чярэя дрэ трин молы бу-

тыдыр адалэ хуландыр, савэ кэрна буты по екх, а на коллективно.

Кхэтанэ амэ локхо откэдаса лачё зерно и зрахаса лэс прэ семяны.

Паш маро роздаса кажнонакэ семьякэ прэ хабэ, а со ачелапэ паруваса прэ адава, со амэнгэ треби дро амаро хулаибэ. Адыкэ сыр амэ кэраса, амэндэ авэна лаче плуги, молотилка и ваврэ гавитка хулаибнытка машины. Чявалэ, чячюнэс ракирава тумэнгэ, собы амэнгэ тэавас бахталэнгэ и чялэнгэ исы екх чячюно дром—тэ сджяспэ кхэтанэ дрэ кооперация.

СОСТЫР НАШУКИР ТЭЛЫДЖАС ТЫКНО ХУЛАИБЭ.

Какана бутяритко власть отлыя сарэндыр рандыр э пхув и отдыя чёрорэ манушэнгэ. Нэ хулаибэ лэнги́ро са екх сы тыкно—и чёро́ро.

Акэ какана ёнэ уджиндлэ, со хулаибэ лэнги́ро сы чёро́ро на пало адава со пхув набут. Собы фэдыдыр тэ авэл хулаибэ, собы бутыдыр тэдэл кофо, треби тэлыджас чячюно хулаибэн, треби тэпритховэс васта, чячюно тэрозгинэс сыр тэ обджяспэ инвентарёса.

Акэ треби, собы хулаибэ тэдэл бутыдыр кофо, лэс треби чячюно и тэобкэрэс. Собы э пхув тэдэл бутыдыр маро, лэс треби бутыдыр тэобтховэс навоза и фэдыдыр тэобкэрэс, а ваш адава треби, собы тэ авэн грая, гурувня, балыче, бакря и адыкэ дурыдыр, треби малыны, плуги, косилка, борона, а прэ саро адава треби ловэ.

Годявэр гадже какана лынэ тэджинэн, саво дро адава дэла кофо агрономо, бут гадже кэрна адыкэ, сыр пхэнэла агрономо, залыджяна пире совете агрономэн лачен грэн, гурувнен лаче семяна, машины (жатка, косилка, плуго тракторе) разлыджяна бутыдыр лаче чярья.

Саре адава дэла гавитконэ-хулаибнаскэ бут лачипэ, нэ екхэскэ манушэскэ тэкэрэс саре адава пхаро, а э ромэнгэ инте пхарыдыр, ёнэ нэвэ хулая, ёнэ инте со камэн тэзалэнпэ гавитконэ хулаибнаса и наджинэн, сыр треби тэподжяс кэ адава.

Тэкинэс машина, тэзалыджяс лачен грэн, гурувнен—адава нанэ локхо и на сыго скэдэсапэ. Тыкно хулаибэ дэла набут кофо. Сыр рома на ракирна «со тыкно хулаибэ, да миро, мэ пэскэ хулай. Со кэрава дро хулаибэ, миро, саре-же». Ромалэ, треби тэ пригалёс со дрэ тыкно хулаибэ бут кофо на явэла.

Кэрэнте адыкэ, сыр кэрна гадже. Революция лэн бут сыклякирдя, бут ёнэ полынэ, со пхурано хулаибэ напукир, ёнэ джинэн, со исы лачё дром дро хулаибэ, со бут дэла кофо адава дром. Адава дром сы дрэ кхэтано коллективна хулаибэ.

РОМЭНГИРО КХЭТАНО ХУЛАИБЭ.

Треби собы рома, коли ёнэ пириджяна про екх штэто и закамэн тэзалэнпэ гавитконэ хулаибнаса, собы ёнэ сгынэпэ дро кхэтано (коллективно) хулаибэ.

Дро кхэтано хулаибэ шукир мануша кэрна буты, адай, сыр ракирлапэ, кэ сари буты васта, притховэса: екх мануша кэрна дро фэлда, ваврэ дро огородо, садо, трито псирла паш грэндэ, гурув-нендэ, бакрэндэ, балычендэ, штарто пашэ э машинына и адыкэ дурыдыр.



Дро кхэтано хулаибэн сари буты ростходы прэ сарэндэ бутярэндэ, сари буты кэрлапэ сыр треби. Дро кхэтанэ хулаибэна локхыдыр манушэнгэ тэ-кэрэс буты, пал адава со сы машины, савэ кэрна бутыдыр и сыгыдыр манушэнгирэ вастэндыр. Ваш ромэнгэ адава шукир, ёнэ могискирна тэ залэнпэ дро клубо, школа и адыкэ дурыдыр. Клубы,

школа кэрла амэн зоралэнса и локхыдыр тэ счюр-дэс амари темнота. Сыр-жэ тэкэрэс кхэтанэ хулаибэ?

Акэ дро кхэтанэ хулаибэ треби собы тэ явэн лаче на хоханэ и на дошалэ дрэ буты, сыр екх мануша, савэ джинэн екх екхэс. Коли члены дро кхэтанэ коллективно хулаибэ напукир джинэн екх екхэс, то машкир лэндэ нанэ патив, а коли нанэ патив то нанэ и рэндо.

Акэ кэ адава треби шукир тэпридыкхэспэ, шукир буты джяла дро кхэтанэ хулаибэ, коли екх екхэскэ авэла патив. Адыкэ скэдэнэпэ рома дро Смоленско, ёнэ кэрдэ кхэтанэ хулаибэ, саво кхарлапэ „Лоло Октябрё“, дэш семьи сгынэпэ и лынэ пхув-шэл десятины. Жэ ко дава ёнэ сыс чёrorэ, какана лэндэ дэшэ дуй грая, биш гурувня екх лачё (племянно) гурув, балыче, бакря. Машинаса пхув обкэрна. Шукир скэдэно романо кхэтанэ артельно хулаибэ дро Витебско губерня дрэ дэшэ-дуй семьи, шэл гэктары пхув.

Бут бияндёна какана романэ кхэтанэ артельно хулаибэ и сарэ адалэ хулаибэна бут дэна шукарибэ ваш ромэнгэ.

МАШИНА ФЭДЫДЫР САРЭСТЫР СО СЫ ДРО ХУЛАИБЭ.

Со дэла машина дро гавитко хулаибэ? Машина бут кэрла локхыдыр манушэскири буты и дэла бут кофо.

Ёкх баро лылваро мануш агрономо роспхэндя, со машина кэрла бутыдыр манушэстыр, ёй бутыдыр и буглыдыр роскэрла пхув и ласа на хасёна семяна адыкэ, сыр хасёна ёнэ, коли кэрэса адава вастэнца.

Машина розгинэла семяна (сортирует) и локхыдыр и сыгыдыр обмарла маро.

Адатхыр дыкхаса со машина учес газдэла хулаибэ.

Саро адава кэрла бут шукарибэ и кофо дрэ джибэн.

ТРАКТОРО ПОМАРДЯ.

Вэснакиро дро одова бэрш пэрво моло яндлэ прэ фэлда коммуны «Крепость» (дрэ Сталинград-



ско губерня) тракторо. Сарэ гава гынэ тэподык-хэс, сыр лэла тэкэрэл буты тракторо. 1 или 2 коммунакирэ члены гарадынэ, думиндлэ со могискирла тэ навыджял шукир, обсана амэн... Тракторо екх борозда кэрдя проба и чярэя пхувьяса пасёна тэло трактороскири чюрэя. Шукар джяла пирэ фэлда тракторо.

Пало дэшо панч дывэс тракторо обкэрдя пхув шов дэша десятины; ёв же кэрдя буты и сыр сеялка и бороновал, а кицы кэрдя со насыс сгиндло, адякэ же тракторо обкэрдя пхув чёрорэ манушэнгэ.

Обмардэ маро трактороса дрэ екх чён 2.200 пуды. Какана амаро тракторо лыя патыв.

МАШЫННО И ВАСТЭНГИРИ БУТЫ.

Со кэрла машина дро гавитко хулаибэ? Машина бутыдыр кэрла вастэндыр п фэдыдыр, акэ ласа дывэс и ласа тэгинас дэш чясы буты: сеялка кэрла панч десятины, а вастэнца трин десятина, косилка чинэла трин пашэса и штар, а вастэнца екх десятина.

Жнейка — панч десятины, а вастэнца — паш десятины.

Молотилка обмарла шов дэша копна, а вастэнца — екх копна.

Машинаса можно тэлэс пхув бутыдыр, машинаса сортируем семяны, укэдаса сыгыдыр фэлдэндыр марэ и чярэя и сарэ гавитка бутя кэрнапэ машинаса логхыдыр, сыгыдыр и фэдыдыр.

ЭЛЕКТРИЧЕСТВО.

Дрэ кхэтано коллективно хулаибэ буты гавитконэ манушэн джяла локхыдыр, кэрлапэ бутыдыр хулаибнастыр дрэ екх семья.

Дрэ кхэтано хулаибэ гавитка мануша кхэтанэ зорьяса локхыдыр кинэна гавитка машина (трактор, сеялка и адыкэ дурыдыр) савэ нанэ зор тэкинэс екхэ манушэскэ.

Дрэ кхэтанэ коллективна хулаибэ бут помощи-скирла о электричество, ёв фэдыдыр обкэрла пхув и злэла урожаё, электричествоса можно тэ доинэс гурувнен, тэкэрэс ксил, дэла яг дро кхэр, пирдал электричество спхандэлапэ гав гавэса, форося и бут ваврэ шукарибэ.

Амэндэ какана кэрдо бутыдыр 1000 электрическа гавитка станции, савэ подэна яг дро гава.

Екх о электрическо молотилка пало екх чясо дэла трианда штар дэша пуды гив, а екх мануш обмарла джёв пала екх чясо паш пуды.

Рома! Кэрэнте пэскиро хулаибэ. Хулаибэ кэрла тумаро джибэ фэдыдыр, а электричество кэрла локхыдыр тумари буты.

Ангил кэ кхтанэ хулаибэ.

ЭЛЕКТРИЧЕСТВО ПРЭ ГУРУВНЕНГИРИ ГРЭДА.

Загыём мэ дро Коммуна „Красно Октябрё“. Сыс трин мардэ ратякэ, члено коммуны приачья кэ мэ.

Треби тэджас прэ гурувьяно грэда (двор).
— Атася подыхава, Семено Григорьевичё.
Мэ камам какана. Авэн.

Лыя пало васт и лыджия. Перво моло на
полыём дро со рэндо, палсо ёв лыджяла ман тэдык-
хэс гурувнен.

Выгям про баро штэто, ёв сы облыджино
саро татэ шталэнса. машкирал прэ столбо электри-
ческо фонарё—Хачия саро гав и сари грэда.

Гыям дрэ штала, бари штала таты, саро шу-
кар и сы штэто, катыр хана гурувня, кхас саро
пасёла дро кормушка.

Гыям дро штэто, кай исые грая, одой адякэ
же шукир.

Саро обдыхно, гыём тэпасёс.

Электричество хачёла дро сарэ кхэра, а сыр сы
дрэ гав ангил кралистэ, -тогда ни сави забота
насыс ваш о гав.

ЛЕНИНО ВАШ ЭЛЕКТРОФИКАЦЫЯ.

Мангэ прыгиянэ нагара тэявэс прэ екх га-
витко «свэнко» дро Московско губерния, Воло-
коламско уездо, кай гаджендэ исые электричество.

Прэ гаса исые кэрдо собраниё. Акэ екх гавитко
мануш выгия и лыя тэракирэл.

Ёв ракирдя, со электричество лэла тэхачкирэл
амари гавитко темнота.

До одолэ бэрша рая и тагари на домэклэ кэ
адава, собы дрэ гав хачия электричество нэ ка-

кана бутяритко власть саро кэрла собы тэ авэл шукир манушэнгэ.

Бутяритко власть задьяпэ собы, сарэ амарэ электрическа станции обухтылдэ саро амаро СССР.

В. И. Ленино ваш адава бут ракирдя — ёв пхэндя со электрификация и кооперация сы екх дром кэ социализмо.

Электричество локхыдыр кэрла гавитко буты и учес газдэла хулаибэ.

ТРЕБИ ТЭПОДГИНЭС ПЭСКИРО ХУЛАИБЭН.

Акэ коли гаджэ саро зачинэлас бы со ёв кэрла прэ фэлда, дро луго, со ёв кинэла и со бикнэла, саро лэскэ явэлас дыкхно дро со исы, дрэ со нанэ кофо и саро дрэ со исы кофо, ёв бутыдыр залыджялас и со надэла кофо ёв чюрдэлас бы.

Акэ ласа конопля: ла бут дро ваврэ штэты росчюрдэна про пхув и гинэна, со ёй бут дэла кофо, а сыр подгинэса саро адава со ваш лакэ кэрна, кицы навозо джяла, кицы бутяритка васта треби ваш адава, то выджяла латыр на кофо, а убытко. Прэ десятина конопляника джяла 150 урдо навозо, коли адава навозо тэ явэл прэ марунэ фэлды то выбарьёлас 1500 килограмм (шэл пудо) озимо маро, инте ярового про вавир бэрш 900 килограмм (шов дэша пуды) мамуй адава бут биянэласпэ чярья сыр: клеверо, пхувитка и адыкэ дурыдыр.

Со дэла екх дэсятина конопля? Ёй дэла трин дэша пуды пеньки. Ласа вавир примеро, дро хулаибэ исы 1280 килограмм (80 пудов) кхас, нэ со тэ-кэрэс? Тэбикнэс осенякиро пало набари тимин или тэкинэс гурувня тхудэса, со дэла кофо-и навозо явэла. Окэ адасаво учёто дро хулаибэ трэби.

Адава тэкэрэс локхо, треби тэзачинэс саро расхо, кофо и кажнэ бэрш тэ подгинэс. Адыкэ книга сыкавэла состыр сы кофо, а состыр нанэ лэс.

СО ТРЕБИ ТЭДЖИНЭС ВАЩЭ ГАВИТКА ХУЛАИБЭ.

1. Ракир бутыдыр агрономоса, обдыкх сыкля-кирды (опытно) фэлда, сыклёв, сыр фэдыдыр тэ-кэрэс хулаибэ, сыклярибнаса локхыдыр тэпомарэс нужда.

2. Кэр ярово фэлда раннё осеняса обчин пхув тэло зябь и пхув бутыдыр дэла маро.

3. Розлыджа гудлэ кхаса прэ фэлда: ёнэ обарвалякирна пхув и тутэ выбарьёна дуй колосы одой, кай барьёла екх.

4. Сарэ дуй бэрша прэ екх штэто на чюрдэ гив, парув штэты ваш маро, собы тэ наывэл шуки пхув.

5. Сыгэдыр пириджа кэ бутэ фэлдытко хулаибэн—сыгыдыр тыро хулаибэ авэла барвалэса.

6. На ачяв пусто паро прэ фэлда и залэ паро гудлэ кхасэса и пхувитконэнса,—ёнэ кэрна фэдыдыр пхув и дэна пэстыр соки, состыр бут биянэлапэ маро.

7. Залэ пхув лаче марэса, сыр то пшеница, джэв и ваврэ марэ.

8. Выкэдэ адасавэ марэ и чярэя, савэ дэна бутыдыр кофо прэ тыри пхув. Псир и рахх лэн. Коли барьякирэса лёно, барьякир лэс палэ клеверо, кэр садо, огорода, марпэ вредителенса дрэ фэлда, садо и огороды.

9. Кажнонэ гавитконэ хуласкэ треби тэджинэс, со хабэ ваш скотоскэ дрэ гавитко хулаибэ исы саро, а сыр на ухтыла лачё хабэ, то кофо на явэла.

Коли исы бут хабэ, то залыджяса бутыдыр грэн, гурувнен, бакрэн, балычен и адыкэ дурыдыр. Адава дэла дрэ хулаибэ бут навозо.

Уनावожено пхув лэла тэдэл лаче урожаи и лаче хабэ.

10. Чяравэн гурувнен, сыр ракирла агрономо, разлыджя кагнэн, бакрэн, балычен. Рипир: саро адава газдэла тыро хулаибэ и бут дэла кофо.

11. Кэрэньте кхэтанэ буты: артели, кооперативы, сыклёнпэ дрэ кружки кэ гавитко-хулаибэ.

Дро организовано кхэтано хулаибэ исы тыро лачё джибэ.

КАЙ И СЫР ТЭДОРЭСЭС ДРО ГАВ СПРАВНА

Бутяритко власть камэл фэдыдыр тэкэрэл джибэн бутярен, ёй камэл тэсыклякирэл сарэн бутярен одолэскэ, со приджяла кажно дывэс тэдыкхэс, со кажно дывэс амэндыр пучела амаро джибэ. Амэ чыстэс наджинас со тэ пхэнэс, сыр тэ

кэрэс, ваш адава откэрдэ сы справочна отдели,
кай выдэнапэ справки прэ саро, со конэскэ треби.

Исы справочно скаминд дрэ волостно и гавитко кхэра—читальни и дрэ лолэ вэнглы, одолэ скаминдэнца залэнапэ избачи, агрономо, врачи и ваврэ сыклякирдэ мануша.

НЭРЭНТЕ НЭВО ДЖИИБЭ.

Ромалэ, октябрьско революция газдэла кэ лачипэн амарэн ромэн, савэ и сыс жыко революция при-тасадэ тагариса. Какана бутяритко власть камэл амэн тэвытырдэл нуждатыр и камэл тэкэрэл шукир амаро джиибэ. Ласа же амэ кхэтанэ зорьяса тэ тэкэрэс амаро джиибэ. Палсо амэ наласапэ екхэскэ сы пхаро, а кхэтанэ бут локхыдыр.

Кай екхэскэ нанэ тэло зор, одой кхэтанэ саро локхо кэрэса.

Баро мануш, товаришшэ Ленино ачядя завето, со пирдал кооперация и электрификация амэ приджяса кэ лачё и бахтало джиибэ.

ДРЭ КНИГА СЫ ЧИНДЛО.

Стр.

Со дья октябрьско революция ромэнга	3
Со дья бутяритко власть	4
Рома бэшэна прэ пхув	5
Прэ романо хуторо „Крикуново“	5
Со пхэндя дэшэпанчто партийно с'езде ваш чёрорэ гавитконэ манушэнгэ	8
Со дэла форо гавэскэ и гав фороскэ	10
Гавитка бутяри, кэрэн кофитконэса пэскиро хулаибэ	11
Соса. сы налачё тринэ фэлдытко хулаибэн	11
Со дэла баро фэлдытко хулаибэн	13
Марпэ лынаскиро шукипнаса-на явэса бокхало	14
Со пхэндя агрономо, сыр фэдыдыр тэ обкэрэс пхув	16
Состыр трэби тэроскэдес семяны	17
Сеялка	18
Буты прэ фэлда	19
Марибэ марунэ врагэнца	20
Тэвышутыкирэс болоты прэ фэлда—кхэтаны буты	22
Тхудынэ гурувня	22
Латхьём чячюно дром	23
Хавско тхудыны артель	24
Кооперация фэдыдыр кэрла джиибэн	25
Со дэла кооперация	26
Со пхэндя гавитко гаджэ ваш кооперация	27
Состыр нашукир тэлыджяс тыкно хулаибэ	28
Ромэнгино кхэтано хулаибэ	29
Машина фэдыдыр сарэстыр со сы дро хулаибэ	31
Тракторо помардя	32
Машинно и вастэнгири буты	33
Электричество	34
Электричество прэ гурувненгири грэда	34
Ленино ваш электрификация	35
Треби тэподгинэс пэскиро хулаибэн	36
Со треби тэджинэс вашэ гавитка хулаибэ	37
Кай и сыр тэдоросэс дро гав справка	38
Кэрэнте нэво джиибэ	39

Тракторо помардя	32
Машинно и вастэнгири буты	33
Электричество	34
Электричество про гурувненгири грэда	34
Ленино ваш електрофикация	35
Треби тэподгинэс пэскиро хуланбэн	36
Со треби тэджинэс ваш гавитко хуланбэ	37
Кай н сыр тэдоросэс дро гав справка	38
Кэрэнте нэво джиибэ	39

Цена 8 коп.

19491


Цыг.
2.25



На цыганском языке

ТАРАНОВ. „Поднимем сельское хозяйство“.

ЦЕНТРАЛЬНОЕ ИЗДАТЕЛЬСТВО НАРОДОВ СССР
Москва, центр, Никольская, 10



Цыг.
2-26